



Fasnacht 2025

50 JOOR GAMMLER WAGGIS – Mir jubiliere e halbs Joorhundert Fasnachtstieber!

Fuffzig Joor Gammler, aamietig mit Scharm,
bi ihrem Aabligg do wird's jedem warm.
D Grynder sin hitte zwar alli vergammlend,
fire Cortège hän mir glych no paar Altvorderi
gsammlend.

Mir hoffe ihr kemmet alli zem's gniesse,
au als alti Segg dien mir no flyssig Röppli schiesse.
Die Stadt und d Fasnacht hän sich scho gli entwiggled,
friener het me no mee an de Dame umepiggled.

Mir Gammler lyyde, trotz wäggselnder Bsetzig
alewiil nid, an Sälbschtunderschätzig.
Ihr derfet uns gärn e Ständli ko singe,
Dääfy, Orange und Röppli, das miesse dir nid sälber
bringe.

Us de drey scheenschte Dääg, mache mir e glatti Sach,
dien intrigiere, stopfe, ruesse, mit gsottenem Grach.
Uns derf me au ruhig mol greftig ko druugge,
mir wärde yys nid grad am Bier verschlugge.

Drum mach mit uns mit, bi däm grosse Fescht,
gwynnt au unsere Waage nie e goldigs Röppli als dr
Bescht,
sin mir ainewäg, als alti Gammler-Original,
d Sieger vo de Härze au ohni Pokaal.

S het mängge Gammler scho graui Hoor,
fiidlewurscht, uf die nägschte fuffzig Joor!

50th

